

Saksprotokoll 28.05.2020 - fylkesutvalet

Knut Inge Andersen (FNB) sette fram slik forslag:

«Fylkesutvalet har ingen merknader til reguleringsplanen.»

Noralv Distad (H) sette på vegner av H, Frp og FNB fram slikt forslag:

«Fylkesutvalet har ikkje særlege merknader til reguleringsplan for steinbrot på Aksla - Bremanger kommune.»

Andersen trakk sitt forslag.

Avrøyting til utsetjing

Distad sitt forslag fekk 7 røyster (H, FNB, Frp) og fall.

Aleksander Øren Heen (Sp) sette på vegner av Sp, A, KrF og V fram slikt forslag:

«Endring:

Punkt 1

«....31.08.2018 når det gjeld kaien.»

Punkt 3 a vert nytt punkt 2.

Punkt 4 vert nytt punkt 3.

Resten vert stroke.»

Avrøyting

Fylkesrådmannen sitt forslag fekk 2 røyster (MDG, SV) og fall.

Fylkesrådmannen sitt forslag med Heen sitt forslag fekk 15 røyster (A, H, Sp, FNB, MDG, V, KrF, SV) og vart vedteke.

Vedtak

1. Fylkesutvalet opprettheld motsegnene knytt til kulturminne, landskapsbilete og vassmiljø frå vedtak i fylkesutvalet i Sogn og Fjordane i møte den 31.08.2018 når det gjeld kaien.

2. Fylkesutvalet er ikkje samd i den samla verdivurderinga som er gjort i konsekvensutgreiinga for kulturminne og kulturmiljø. Etablering av utskipings- og kaianlegg for steinbrotet på Aksla på Inste Bårdvikneset vil skape store negative verknader for eit nasjonalt særskilt viktig kulturhistorisk landskapsområde som Vingen helleristningsområde er ein del av. *Motsegna vert trekt dersom kaianlegget til Aksla blir samkjørt med utskipingsanlegget til det allereie etablerte steinbrotet på Dyrstad.*

3. Vassmiljø.

Fylkesutvalet meiner det framleis manglar ei vurdering av om dei føreslegne avbøtande tiltaka er tilstrekkelege til å tilfredsstille krava i vassforskrifta og den regionale vassforvaltningsplanen.